

Գ Լ Ո Ւ Խ Ի Դ .

Աղերսագիր Հայոց առ Արքայ : որոնել զարձանագրութիւնս : Դատաւորան վերստին 'ի դուռն մեծի գեներալին : Խնդիր երկի հետեւակ աղ-դոց : Բանալթիւն քաղաքագետին : Հրաման : Կուսակալին Դաւանդուի : Նոր Կուսակալ :

ՍՈՒՐՀԱՆԴԱԿՔՆ և արքն՝ որոց յանձն արար թէո-դորոս Պատրիարք զհրովարտակա և եհան 'ի ճանապարհ՝ յետ Թափառելոյ զաւուրս 32 հասին 'ի Կոստանդինուպոլիս և մատուցին առ Փօխանորդն Պօղոս վարդապետ զոսկենկար Խաթթի Շէրիֆօն , որով եղեւ ուրախութիւն մեծ 'ի մայրաքաղաքին Հայ ժողովրդոց , եւ բարձրացան կորացեալ գլուխք իշխանաւորաց՝ յընթեռնուլն և յիմա-նալն զմիտս նոցա : Եւ ապա գիտութեամբ մեծի գեներալ-տին ետուն հանել զալատճէնս նոցա եւ վաւերել կնքով առնն որ կոչի՝ (Հարամէյն Միւֆէթթիշէյն), և տարեալ առանձին ետուն ընթեռնուլ Նախարարաց դրան , զի լըց-ցին միաք նոցին : Եւ յետ այնորիկ 'ի ձեռն մտերմաց ո-մանց հասուցին զամենեւեան առ Արքայ , և յընթեռնուլն՝ եղեւ հմուտ ճշմարտութեան , եւ առաքեաց դարձեալ արաքս : Եւ ապա ըստ ազդ արաքելոյ նորին Արքայի՝ մատուցին առ նա Հայք գիր ազաջանաց , թէ ահա եկին հրովարտակքն մեր յերուսողէմէ . եւ յետ երկի աւուրց առաքեցաւ աղերսագիրն 'ի Դուռն առ Րէիզ Էֆէնտի գրով Արքայի , և նա խնդրեաց զհրովարտակսն 'ի Հայոց , որ և մատուցին 'ի ժողով Նախարարաց , որոց ընկալեալ յարգութեամբ ընթերցան : Եւ հրաման 'ի Սուլթան Մահ-մուտ Բ . յԱրքայէ զգուշութեամբ որոնել յամենայն գի-ւանս Տէրութեան զարձանագրութիւնս նոցա , մինչեւ 'ի ներքին դրապահ գանձարանն . և 'ի վերայ այսր գործոյ գրով Արքայի կարգեցաւ Սատրգ Էֆէնտի այրն երեւելի , զի մի դաւ ինչ գործեսցի 'ի դրամանէ Յուսաց , ժողովե-ցան առ նա յամենայն գիւանաց Քարտուղարք և Քննիչք՝ իրրեւ արք 40 . և ընդ նոսա տիրացու Առաքել : Նախ մը-տին 'ի մեծ գանձարանն և աւուրս 4 աշխատ լեալ՝ գտին